



الشيب عاداني

أمان بن سعيد آل حسين المناعي، المعروف باسم أمان الشاعر، من مواليد الوكرة عام ١٩١٤م، بدأ حياته في الغوص، ثم انتقل إلى العمل في شركة البترول، كان يحب المقناص والطيور، يكتب الشعر بكل أغراضه، توفي رحمه الله في الوكرة عام ٢٠٠٨م، وهذه إحدى قصائده..

ولا راعنا إلا يوم شفنا العلم مرفوع
على العارضين وهامة الراس متشوه
بدانقصنا بالحيل واقضى علينا الروع
بكينا على عشرتك يا طيب الخوه
وشفنا القريب بعيد والسمع فيه شنوع
وبعض القوايم حيله اليوم يا شوه
تردى جهدنا ولا بعدنا بحول فزوع
ملكنا قوي لبيت ربي كفى سوه
وقال انت لا تجزع ولا تستوي مصروع
على الناس هذا سابق هوب من توه
واخذت الدليل وقلت أنا له بليا طوع
على ما بغيت وخل سيرك على نوه

أنا الشيب عاداني وفزع علي جموع
بغيته بزين وخذني الشيب بالقوه
ترجيت منه وقال ما اخالف المشروع
ولا اخالف أمر قايل الرب لي سوه
نصب شبك قواته وخيم وسوى فنوع
بدا بالمحاقة ما فعل زين ومروه
تواقفت أنا وياه في يوم صوع و لوع
بحشد الجموع وحرينا تشتعل ضوه
زحف صوبنا وحننا وقفنا بدون خضوع
وبدا الضرب لين العج غطى سما جوه

— أمان سعيد المناعي —

